

KODAK
LICENSED PRODUCT

M

U

KODAK Gray Scale



赤水玄珠

二十

十 武
816
21



明
武
516
卷
2

亦水玄珠第二十卷目錄

遺溺門

小便不禁門

溺赤

脫肛門附截腸病

前陰諸疾門

疝門

亦水玄珠

八
二十卷目錄

乙

後以黃芪人參之類補之不愈當責有熱加黃
栢生地又曰立夏前候用白虎湯過多致遺溺
者宜溫藥升陽以解之
甲乙經云肺脉不足以息卒遺失無度
原病式云遺尿不禁者是熱甚客于腎部干於足
厥陰之經廷孔鬱結極甚而氣不能宣通則痿
痺而神無所用故液滲入膀胱而旋溺遺失不
能收禁也

丹溪嘗治一男子遺溺不覺脉洪大盛以黃栢知

母杜牛膝為君青皮甘草為臣木香為佐桂
小為反佐服數帖大効此法與千金翼白薇散
皆治熱甚廷孔鬱結神無所用不能收禁之
生生子曰按劉河間丹溪千金翼方有認為熱者
必以脉症相參看治庶無偏熱偏寒之弊予前
論寒者以太緊而言也諸病皆有寒熱虛實多
有始同終異故治法不能執一而無權也
桑螵蛸散治遺溺
桑螵蛸酒炒為末姜湯調下二錢

鷄內金散

治溺尿失禁

鷄胫胫一具即鷄肫內黃皮并腸洗淨燒存性

男用雌女用雄研為末每二錢酒服妙

大人遺溺不知薔薇根細研酒下

雞腸草湯

治小便不禁或睡中遺出不覺

雞腸草

一兩

牡蠣粉

三錢

龍骨

麥冬

白茯苓

桑螵蛸

各五錢

每服三錢末一枚去核煎服

一方治同上

補骨脂炒為末黃柏煎湯調下

又方治同上

桂皮末

雄雞肝

等分搗丸如小豆大溫水

治小兒夢中遺尿

薏苡仁一合去心不去殼敲碎入鹽一小撮同

炒黃色水煎空心服之効

縮泉丸

治小兒遺尿脬氣不足小便頻多

烏藥

益智仁

去壳鹽水炮

等分為末酒煮山藥

糊為丸空心鹽湯下二錢

又方藥治同上

烏藥 益智仁 各五錢 桑螵蛸 一兩

為末 空心 鹽湯調下 二錢 効

治遺尿方

白茯苓 牡蠣 醋 桑螵蛸 各五錢 龍骨 桂 各

錢 為末 以雞腸 一具 燒存性 為末 和勻 空心

白湯調下 一錢

禁方 治遺溺

阿膠 炒 牡蠣 煨 鹿茸 酒 桑螵蛸 酒 各等分

為末 粳米 為丸 梧子 大 每五十丸 空心 酒下

治遺溺淋瀝

桑螵蛸 焦 龍骨 等 為末 每二錢 空心 鹽湯

千金翼白薇散 治尿出不知時

白薇 白芍藥 分為末 溫酒下方寸匕 日三服

濟世方 神芎導水丸 治遺尿有實熱者 每百丸

空心 白湯下 若一服得大便利 止後服

此謂溼氣遺溺 痺聚在腎 痺謂氣不宣通也

雞腸散 腎與膀胱虛冷 不能約制 故遺尿 失禁

或睡自出 肉桂 龍骨 各一錢 白茯苓 桑螵

銷 牡蠣粉 各三錢 雞腸 具一

分二帖水煎姜三片棗二枚寧心溫服

小便不禁

生生子曰不禁謂無禁約小便多而頻不計適數按經云水泉不止者是膀胱不藏也有溫熱有下元虛憊數而少為熱數而多為虛老人多有此蓋陽氣衰微不能約束歷見數人卒皆不救由其不能攝養而神氣耗散故也古人有謂不通為熱不禁為寒乃心腎氣弱陽道衰冷而傳

化失度法當溫補溫存以養其神藥后以堅其腎神完腎固膀胱氣充自可約束然必調治及阜庶或十全三五

王節齋曰小便不禁或頻數古方多以為寒而用溫澁之藥殊不知屬熱者多蓋膀胱火邪妄動水不得寧故不能禁而頻數來也故年老人多類此是膀胱血少陽火偏旺也治法當補膀胱陰血瀉火邪為主而佐以收澁之劑如牡蠣山茱萸五味子之類不可用溫藥也病本屬熱故

赤水珠

下卷

宜瀉火因水不足故火動而致小便多小便既多水益虛矣故宜補血瀉火治其本也收之滋之治其標也

按此乃本之於原病式熱鬱廷孔之說也

生生子曰按節齋此論亦是以太緊言也老人下元虛憊氣弱不能乘載其水膀胱停濕浸淫皮瀉不能收持故頻數不禁必如河間節齋所云然則癰閉已主於熱矣而不禁又主於熱是無虛寒之症也何古方有溫補之法經有寒虛之

文耶不若以小使頻而清白長者為虛寒頻而少黃赤澀者為熱及脈洪數有力無力或滑或瀉參驗之始無差悞凡熱夫小便少寒月小便多寒熱之理亦易見爾

太便秘結而小便頻多屬脾約症以脾約丸治之

茯苓丸 心腎俱虛神志不守小便淋瀝不禁

赤茯苓 白茯苓 等分為末新汲水接洗澄

去新沫揔乾別取熟地黃汁與好酒同於銀

石器內熬成膏為丸彈子大空心益酒嚼下

二氣丹 治內虛寒瘕膀胱積冷陽氣漸微小便

不禁 硫黃 肉桂 乾姜 硃砂

附子 一枚大者炮去

右糊丸梧子大每五十九盞湯下

姜附赤石脂丸 小便數而不禁怔忡多忘夢覺

不巳 附子 乾姜 赤石脂 硃砂

酒糊丸菘豆大每十五丸至三十丸

大便有病米飲下 小便不禁茯苓湯下

王海藏云此方妙在硃砂伏火上 論載玉機 微義甚詳

御藥院秘元丹 治內虛裏寒自汗時出小便不

禁 白龍骨 訶子 砂仁 靈砂

右稗米糊為丸梧子大每五十九空心鹽湯下

兔系子丸 治小便多或致失禁

兔系子 肉蓯蓉 牡蠣 附子 五味

子 鹿茸 雞脬脰 桑螵蛸

右酒糊丸梧子大每七十九空心鹽湯温酒

三因家韭子丸 下元虛冷小便不禁或成白濁

家韭子 鹿茸 肉蓯蓉 熟地

黃 當歸 各二兩 巴戟 去心 兔尿子 酒浸各一兩半 杜仲

石斛 桂心 官姜 炮各一兩

酒糊丸 梧子大每百丸 空心鹽湯酒任下

桑螵蛸散 治小便頻數或如米泔稠濁

桑螵蛸 益水 遠志 后菖蒲 益 龍骨 人參

茯神 當歸 鱉甲 醋炙各五分 為末每二錢臨卧

人參湯調服 一方用龜甲

五子丸 治小便頻數時有白濁

兔尿子 酒蒸 家韭子 炒 益智 茴香 炒 蛇床子

去皮炒 酒糊為丸 梧子大每七十九 米飲 鹽湯

丹溪鹿茸丸 治久虛冷小便白濁滑數不禁

鹿茸 川椒 去子取頭末 桂心 附子 牡蠣 石

斛 沉香 補骨脂 肉蓯蓉 雞腔脰 各一兩

桑螵蛸 分三 右酒糊為丸 梧子大食前酒下三十九

又方 治活血淋瀝

鹿角屑炒黃為末 溫酒下二錢 妙 本草云鹿角逐陰中邪氣

水芝丸 治下焦真氣虛弱小便頻多日夜無度

赤水丸

蓮子皮去先以好酒浸一宿用猪肚一具

蓮子在內水煮熟取出蓮子切片晒乾為末

醋糊丸如雞頭子大每五十九丸温酒送下

一方 治稟賦虛弱小便頻數不禁

五味子兩四肉蓯蓉斤半肉地兩六兔系子酒煮炒

右酒煮山藥糊為丸梧子大每五十九丸

心鹽湯或酒送下

華薜丸 治小便頻數

川華薜 不拘多少為末酒糊丸如梧子大每

五十九丸空心鹽湯送下

一方 治夜多小便老人虛人多有此症

白芷兩一粳米五錢炒右粳米糊丸梧子大

饅頭煎湯空心下七十九丸

玄兔丹 治小便多

兔系子酒浸焙五味子末十兩白茯苓末七兩蓮肉

為末乾山藥末六兩將所浸酒餘者添酒煮

糊為丸搗千杵丸梧子大每五十九丸空心

米飲下

赤水

小兔系丸

治腎氣虛損目眩耳鳴四肢倦怠夜

夢遺精

后蓮子肉二兩兔系子酒浸研白茯苓

一兩

山藥二兩

打糊九梧子大每五七十

丸空心温酒或盐湯送下

一方

生山藥半斤刮去片先用酒熬沸入山藥

不得攪動待熟加盐葱白更添酒空腹下二

三匙妙

益智散

治小便多

益智

三十分為末水一盞煎八分入盐五分温服

本事方衛真湯

治丈夫婦人元氣衰憊榮衛怯

弱真陰不固三焦不和上盛下虛夜夢鬼交覺

來盜汗面色精彩唇口舌燥耳內蟬鳴腰痛背

倦心氣虛乏精神不寧驚悸健忘飲食無味日

漸瘦瘵外腎温痒夜多小便腫重冷痛牽引小

腹足膝緩弱行步艱難婦人血海久冷經候不

調或過期不至或一月兩來赤白帶下漏分五

色子宮感寒久不成孕並皆治之此藥大能

生氣血遇夜半子時腎水旺極之時補腎實

赤水珠

二行卷

七

臟男子攝血化精諸病未萌之前皆能制治
使不復為梗

川歸酒浸一夜丁香 青皮去白各一兩 熟地黄 白茯苓

芩 木香 肉蓯 山藥各三兩 生地 川牛膝

各二兩童便煮 人參一兩 石斛五兩

為末每三大盞酒調下盞湯亦得字心食前

服婦人諸病童便同酒調空心服

辰砂妙香散 方在婦人門

木車溺赤

諸病水液渾濁皆屬于熱小便黃者少腹中有熱

也 治小便黃無如黃柏知母効

脉經云足脛逆冷小便赤宜服附子四逆湯

綱目載小便黃有四

一屬肝熱經云肝熱病者小便先黃是也

二屬胃實經云胃足陽明之脉氣盛則身已前皆

熱其有餘于胃則消谷善飢溺色黃者是也

三屬肺虛經云肺手太陰之脉氣虛則有背痛寒

少氣不足以息溺色變故耳

赤水

四屬腎虛經云各脉者腎脉也各脉不及則令
眇清脊痛小便變是也

脫肛門 附截腸病

生生子曰脫肛之症多由腸內有積而清氣不升
如痢疾裏急後重而下脫也治當從滯下門先
推去積滯然後升補積滯去而清氣自升不復
脫下其或因下血及痢疾之後脫而不收者為
虛升補之藥看氣血孰重脫之已久當以磁劑
收之腸胃有風脫而下血者以風藥舉之脫久

亦有虛寒者當溫藥微洗內服大補之劑

丹溪曰有氣虛氣熱血虛血熱

氣熱者條芩六兩升麻一兩為末麵糊為丸服
之其証肛脫紅腫者是也

氣虛者參耆歸升麻或加白朮訶子有熱加
條芩其証多於勞倦房慾而發者是也

血熱者四物湯加炒黃柏其証多於好酒及
辛辣之物而發及便血也

血虛者用四物湯加升麻荆芥其証下血過

多面色痿黃者是也

下痢脫肛 痢門參治

截腸病 其証太腸頭出痛苦軟又落又出腸
盡則死初出寸餘時治之以芝麻油丁盡以醫
坐之飲大麻子汁數升愈

脫肛之證前人以爲肺氣虛寒蓋肺與太腸爲表
裏肺臟蘊熱則閉結虛寒則脫婦人有此疾者
多由產育用力過多小兒有此疾皆因久痢太
腸虛冷所爲也有腸頭作痒者此係腸中有虫

黃桂峰云親見一人裏急後重肛脫紅腫百藥皆
試乃有虫在肛故也

濟世方 治男女脫肛用五倍子小便濃煎洗之

聖惠方 治脫肛不收蝸牛燒灰猪脂調敷之

砂仁湯 治太腸虛脫肛挾熱紅腫者

砂仁 黃連 木賊等分 為末每服二錢米飲

文蛤散 太腸虛寒肛門脫出不收或用力太過
及小兒叫呼久痢後重者

五倍子為末水煎汁浸洗更入白礬蛇床子花

佳後用赤店脂為末少許摻在巴蕉葉上頻用
托入或有脫出尺許者亦用此湯溫浸頻換藥
水以縮為度

倍榆散 治小兒脫肛

五倍子 地榆等為末每五分或一錢米飲調

治老人脫肛

防風蘆 蒼木 黃柏 五倍子 煎湯薰洗

內服清涼大腸之藥而愈

治脫肛下血

韭菜一太握搗碎瓦礫煎熟再用生韭菜汁
在湯內將肛門坐在瓶口薰一二次神效

槐角丸 五種腸風下血痔漏脫肛並治

槐角三地榆兩 黃芩 當歸 防風 枳殼炒

各二兩右酒糊丸梧子大每七十九字心米飲下

涼血清腸散

生地 當歸 芍藥各一錢 防風 升麻 荆

芥各一錢 黃芩炒 黃連 香附炒 川芎各八分 甘草

三五分煎服

三因方香劑散 大人小兒肛門脫出並治

香附 荆芥穗各等 一方加砂仁

右為末每服三匙水一大碗煎數沸乘熱洗

秦朮湯 腸胃濕熱及有風而脫肛不止

秦朮去芦 酒洗 七錢水煎空心服後安卧下時渣

補中益氣湯 治勞倦脫肛效

一方 五倍子為末每用三錢入白礬下塊水煎

洗或以五倍末用紙襯之托上

一方 木賊燒存性為末搽肛上按入即收

二靈散

治久痢腸胃俱虛肛門脫下

龍骨煨 五木賊燒存性 為末搽上托之

治男女脫肛 五倍子荆芥小便濃煎洗之

本事方 腸風下血及脫肛不收

皂角 三莖搗碎水一碗揉令皂角消盡用絹

二層濾取清汁將肛浸在汁中自收並不待手

托如大腸收了即用湯盪其肛門上下令皂角

氣行則不再作盪三次全愈

集驗方 治脫肛歷年不愈

生鉄三斤水一斗煮取五升以汁浸洗

一方用刀漿水洗亦効

肘後方 治腸頭脫肛出轉久不可收入

生括萎汁浸之猪肉汁中洗隨以手按之自收

濟世方治脫肛 荆芥 龍腦 薄荷 朴硝

右煎湯下日洗數次自入

本事方治腸風脫肛及有血

蛇床子炒為末貼肛上立收

蛻皮散 治肛門或因洞泄或因用力脫出不收

蛻皮一枚燒 礞石煨 桂心五錢 此寒而脫肛也

右為末米飲服方寸匕忌持重及房室

肘後方治女人陰脫前方加蟹頭一枚燒存性入

黑聖散 治瀉多時脫肛疼痛

太蜘蛛一枚齋葉重裹線扎定合于內燒存性

研入黃丹少許同研凡有上件疾即先用白

礬葱椒湯洗拭乾後搽藥以手托上

千金方 治脫肛歷年不愈

蟹頭一枚燒令烟盡為末付上手按按之

赤水

卷

八

七

丹溪方 治脫肛 葫荽燒烟薰之 之入

海上方 諸般痔脫肛

死蛇一條如指大濕者掘地坑燒之以有孔板子蓋之坐其上以肛受烟薰之烟盡為止大効

濟世方 治肛出

皂角薰次用蜒蚰一條入蜜浸去蜒蚰將蜜調土硃付上即入

一女子脫肛用糯米一勺濃煎飲去米洗肛温柔先以磚一片火燒通紅用醋沃濕以青布鋪磚

上坐肛於青布上如太熱加布令厚其肛收自

又方 蓮房殼荆芥枳殼槐花黃柏防風獨活煎

湯洗之 或以木賊灰或又蛤末付上立收

治肛門腫痛 木别子去殼取油四五枚研如泥

入水盆中以滾湯泡之乘熱洗另用少許為末

肛門腫痒 杏仁搗膏敷上 亦治穀道痛蝕

外臺秘要治下部虫齧 桃葉一斛蒸之令極熱

納小口器中以下部坐其上受薰其虫盡死

脉經云厯蝕陰脫其脉痺小者生緊急者死

一人脫肛裏急後重百方莫能收一僧教以取猪
肚丁具刮下垢膩入花椒末拌勻塗肝上以青
綿布袋兜之再以溫湯入埋內坐其上薰之少
頃中瀉腸收袋上由不計其數從
復發

○前陰諸疾

前陰所過之脉有二一曰肝脉二曰督脉經云肝
足厥陰之脉入毛中透陰器抵小腹是肝脉所
過也又云督脉者起于小腹以下骨中央女子
入繫廷孔循陰器男子循莖中至纂與女子等

王是督脉所過也

○陰縮陰縱

陰縮謂前陰受寒縮入腹內也陰縱謂前陰受熱
挺長不收也經曰足厥陰之筋傷于寒則陰縮
入傷熱縱挺不收治在行水清陰氣是也

丹溪治鮑兄年二十至莖挺長腫而痿皮塌常潤
磨股不能行兩脇氣上手足倦弱先以小柴胡
加黃連太劑行其濕熱畧加黃柏降其逆上之
氣其挺腫漸收漸減及半但莖中有堅塊未消

遂以青皮一味為君佐以散風之劑未服外以
絲瓜汁調五倍子末敷而愈

平江王氏子年三十忽陰挺長腫而痛脉數而實
用朴硝荆芥湯浸洗又用三乙承氣湯大下愈
內經曰陰縮而死者皆屬肝傷又云悲哀動中則
傷魂魂傷則狂妄不精不精則不正當陰縮而
攣筋而脇骨不舉毛悴色夭死于秋又云厥陰
終者喜溺舌卷卵上縮是也

王莖腫前陰腫是也其症不一有通身水氣癩脛

俱腫者此屬水腫以治水之法治之其腎風孤
搔成瘡以致腫者以治瘡毒之法治之有妬精
蝕瘡腫毒以乾瘡之藥治之此綠妬精蘊結毒
氣未散而成腫痛也有服金石秘溢之藥精氣
壅遏不能宣揚或試緊爐之方取一時之快熱
毒內蘊俱能為腫有血氣凝滯癩間竅道閉塞
致使莖腫或由忍溺致氣結不行而成腫凡此
諸症並以灯心湯調五苓散服之以荆芥木通
煎湯淋洗此條出鈎玄

○陰痿陰汗陰冷陰臭

陰痿皆耗散過度傷於肝筋所致經云足厥陰之經其病傷于內則不起是也

東垣陰痿陰汗陰臭論 一富者前陰間嘗聞臊

臭又因連日飲酒腹中不和求予治之予應之

曰夫前陰者足厥陰之脈絡陰器出其挺末臭

者心之所主散入於五方為臭入肝為臊臭此

其一也當於肝中瀉行間是治其本後於心經

瀉少冲以治其標如惡針當用藥除之治法當

求其本連日飲酒夫酒者氣味俱能生濕熱是風濕熱合於下焦為邪故經云下焦如瀆又云在下引而竭之酒者是濕熱之水亦宜決前陰以去之是合下焦二法治之龍膽瀉肝湯是也

龍膽瀉肝湯 治陰部時復濕痒有臊臭

柴胡梢 澤瀉 各一錢 車前子 木通 各五分 當歸

尾 龍膽草 生地黄 各三分 水煎空心飢時熱

服便以美膳壓之柴胡入肝為引用澤瀉車前子木通其淡滲之味利小便亦除臊臭是

名在下者引而竭之生地黄龍膽草之苦寒
瀉酒濕熱更兼車前子之類以徹肝中邪氣
肝主血用當歸以滋肝中血不足也

固真湯 治兩丸冷前陰痿弱陰汗如水小便後
有餘瀝臊氣尻臀并前陰冷惡寒而喜熱膝亦
冷升麻 柴胡 羌活 甘草 澤瀉 各
錢半 黃柏 知母 炒 龍膽草 炒 各
二錢 水煎空心服
以美膳壓之

溫腎湯 面色痿黃身黃脚軟陰汗陰莖有天色

麻黃_{分大} 防風根 蒼木_{錢各半} 白木 猪苓 白

茯苓 升麻 黃柏_{酒炒各} 澤瀉_{錢二} 柴胡_{梢分}

水煎食前服之候一時辰許方食

補肝湯 前陰如冰冷并冷汗兩脚痿弱無力

黃芪_{分七} 人參 葛根_{分各三} 甘草_炙 蒼木_{分各五}

升麻 猪苓_{分各四} 知母 柴胡 羌活 當歸

身 陳皮 黃柏_炒 防風 白茯苓 澤瀉

神麴 連翹_{分各二} 水煎食前熱服忌酒麴

清震湯 治溺黃臊臭淋瀝兩丸如冰陰汗浸兩

赤水

洋卷

股陰頭亦冷正值十月天寒凜冽寒之極矣
 澤瀉 升麻 蒼朮 黃芩各五分 柴胡 當歸
 身 甘草各二分 羌活 黃柏酒炒各一錢 防風 麻
 黃根 藁本 猪苓各三分 紅花一分 水煎服忌酒
 柴胡勝濕湯 兩外腎冷兩髀樞陰汗前陰痿弱
 陰囊濕痒臊氣 柴胡 甘草生各三錢 升麻 羌
 活 澤瀉各一錢半 當歸 麻黃 龍膽草 漢防
 已各一錢 黃柏酒炒二錢 五味子二十粒 紅花許少 白茯苓
 錢一 水煎熱服忌酒麪房事

仲景八味丸 治陰痿不振今依前方夏減桂附
 一半春秋減三之一 病去全減桂附
 椒粉散 治前陰兩丸濕痒秋冬尤甚

麻黃錢一 狗脊 蛇床子各五分 斑蝥二枚 當歸梢
 猪苓 小枳各三分 肉桂二分 輕粉 紅花各少許

又方 治腎囊濕痒 先以吳茱萸湯洗過後用
 吳茱萸半兩寒水石三錢黃柏二錢半樟腦蛇
 床子各五錢輕粉一錢白礬三錢硫黃二錢檳

赤水藥珠

并卷

柳三錢白芷三錢為末搽之

千金方云有人陰冷漸冷氣入陰囊腫滿恐死
日夜痛悶不得眠取生柁擇之洗淨以布帛裹
着丸囊令厚半寸須臾熱氣大通日再易之取
本事云曾有人陰冷漸次冷氣入陰囊腫滿晝夜
疼悶不得眠煮太薊汁服之瘥

○陰腫陰痛陰吹

婦人陰腫腎痛枳實半斤切辟炒熟布包熨之冷易
交接勞復陰卵痛是勞復

仲景云胃氣下泄陰吹而正喧此穀氣之實也膏

髮煎導之其方猪膏半斤亂髮如鷄子大三枚
以髮入膏中煎至髮盡分再服病自從小便中
出能治諸瘡症殊效

雄黃散 陰腫大如斗核痛人所不能治者

雄黃兩一 礬兩二 甘草生半兩 以水五升煎洗

荊芥散 治腎腫 荊芥穗兩二 朴硝兩二 蘿蔔

葱同煎湯洗

男子陰腫大如升罩痛甚搗馬鞭草塗之

本草

卷

和劑三白散 治小兒膀胱蘊熱風濕相乘陰囊

腫脹大小便不利 白牽牛兩 桑白皮 木通

白朮 橘紅各五錢 為末姜湯調二錢

○癩風 俗名腎臟風

癩風之症起於下部虛熱或行路體倦及夏月久

坐冷地為風濕所襲乃發為疾其症囊濕皮厚

生水泡瘡疥作痒古方用蛇床子一味煎湯淋

洗痒甚者以姜汁入香油數滴攪勻塗上自愈

沐浴長春散 治下元陰濕久冷陰囊夜痒抓之

則喜手住則痛成瘡流水為患甚苦及治婦人
下部陰濕子胞久冷並効

牡蠣 蛇床子 破故紙 紫梢花 官桂

薄荷葉 各等分每用一兩半入葱白數莖水

煎一小鍋先薰後洗再用津調散搽之全安

津調散 治妬精瘡膿汁淋漓臭爛

黃連 欵冬花分等 射香少許

為末先洗過或以地骨皮蛇床子煎湯洗帛

拭乾津調敷忌生冷生湯洗下方無射

又方 治外腎及兩腿風濕瘡

全蠲 檳榔 蛇床子 硫黃 各一錢

為末麻油調入手心擦熱吸三口用手抱囊
一頃次擦藥兩腿上

疝氣明

內經四氣刺逆從篇曰厥陰脉滑則病狐風疝少
陰脉滑則病肺風疝太陰脉滑則病脾風疝陽
明脉滑則病心風疝太陽脉滑則病腎風疝少
陽脉滑則病肝風疝又骨空篇曰任脉為病男

子內結七疝女子帶下瘦聚大奇論篇曰腎脉
大急沉為腎疝肝脉大急沉為肝疝心脉搏滑
急為心疝肺脉沉搏為肺疝三陽急為瘕三陰
急為脾疝三陰脾脉也

脉經曰寸口脉弦而緊弦緊相搏則為寒疝
生生子曰內經以六經脉滑為風疝又以大急沉
為五藏疝按此六經五臟皆有疝也而以風字
加之於六經之疝者何也意者無乃以風字作
氣字者看耶或以巽為風則木之氣肝之所主

也又成疝之地乃肝部也夫滑脉主痰飲食積
是言各經之痰飲食積流傳于肝之部地乃成
疝也因肝主風故以風字加之也又夫急者緊
急之謂也緊主病為寒沉亦為寒為氣大怵為
氣是亦言五臟寒氣流於下部發為疝也蓋寒
喜傷下腎肝俱在下而肝之絡環繞陰器故以
疝屬肝也據任脉起于胞門循腹裏與衝脉厥
陰會故男為七疝女為瘕聚也其病極為難治
而諸書所言亦不一惟張戴人一主于肝蒐輯

甚博且曰非靈素銅人之論法皆不取要之欲
窮其原耳故其歷舉經義俞穴及七疝疝因殊
為詳悉但用治諸方多是渠生平所長之三法
人或病其峻抑不知有是病用是藥醫而不善
用此是無術也則未免有過時失機之悔願其
疝積滯根固潤殺偏僻非峻劑曷能以達第不
可孟浪亂投法所當用又何畏縮在設施者消
息經權務求其當可也劉守真言此疝亦有熱
者丹溪亦主于肝且又言有濕熱死血及痰積

因寒鬱而發間亦有虛者此亦淡鑿前人純損
于寒而一以剝燥為劑也今以諸賢大意述列
於後以便參治

劉守真曰癰疔小腹控卵腫急絞痛也寒主拘縮
故也寒極而土化制之故腫滿也經言丈夫癰
疔謂陰器連小腹急痛也故言婦人少腹腫皆
厥陰肝之脉也經注曰寒氣聚而為疔也又按
經言五藏皆主疔疔脉急也注言脉急者寒之
象也然寒則脉當短小而遲今言急者非急數

而洪也由緊脉注痛急為痛甚病寒雖急亦短
小也所以有痛而脉緊急者脉為心之所養也
凡六氣為痛則心神不寧而緊急不得舒緩故
脉亦從之而見也欲知何氣為其病者通其緊
急相兼之脉而可知也如緊急洪數則為熱痛
之類也又經言脾傳之腎病名疔痕小腹冤熱
而痛出白蠱注言小腹痛澁出白液也一作客
熱內結銷鑠肌肉如蠱之食故名白蠱也然經
復言熱為疔痕則亦不可止言為寒當以脉症

赤水玄珠

疔痕

疔

丹溪曰心主肝經與腎經絕無相于疼痛之甚者
畢九連小腹急痛也或有形或無形或有聲或
無聲自素問以下皆以為寒蓋經絡得寒收引
不行所以作痛世有得寒而無症者又又有說
以通之可也予屢踴水徒涉不曾病此以予素
無熱也因而思此病始于濕熱在經營過至久
又感外寒濕熱收鬱而作痛若只作寒論恐為
未備或曰此症多客厥陰一經濕熱之積何由

而致乎曰大勞則火起于筋醉飽則火起于胃
房勞則火起于腎大怒則火起于肝火鬱之久
濕氣便盛濁液凝聚并入血隧流于厥陰肝屬
木性速急火性暴為寒束宜其痛甚而暴也愚
見古方以烏頭梔子等分作湯用之其効亦速
後因此方隨形症加減無有不應又須分濕熱
多寡而治之但腫多為濕癰是也却有水氣而
腫又有挾虛而發者當以參朮為君而佐以疎
導診其脉沉緊而豁大者是也若不以補劑而

赤水玄珠

二十一卷

五

行決裂之法，禍不旋踵。
許學士曰：大抵此疾因虛得之，不可以虛而驟補。
經云：邪之所湊，其氣必虛。番而不去，其病必實。
故必先滌所畜之熱，然後補。是以諸方多借巴
豆氣者，蓋謂此也。

張戴人曰：疝本肝經，宜通勿塞。疝有七，前人論者
甚多，非靈樞素問銅人之論，余皆不取。非余好
異也，但要窮其原耳。七疝者，何？寒水筋、血氣、狐
癩是也。俗工不識，目為膀胱，又為腎冷，又或為

小腸氣。小兒曰：偏氣之名，既謬，併喪其實。何哉？
孟醫者既斷為膀胱腎冷，小腸氣又曰虛寒，所
致其藥之用也。不鹿茸、巴戟，則杜仲、菟絲、不附
子、烏頭，則乾姜、官桂，不練實、茴香，則金鈴、補骨
脂、朝吞、暮餌，曾無殊效。三二十年牢，不可丟間。
因微病，稍似開通，執此微芒，浸成大錯。標既不
除，本必歸甚。處處相傳，曾無覺者。豈知諸疝皆
歸肝經，其柰庸流，歸之小腸、膀胱、水府，
專司滲泄，小腸水道，專主通流，腎為少陰，絕統

二水人之小澗自胃入小腸滲入膀胱膀胱者
脾囊也氣化則水出莖端此常道也及其為疝
乃是厥陰肝經蓋環陰器而上入小腹者足厥
陰肝經也夫腎肝皆屬于下衝任督相附然靈
樞經言足厥陰肝經病則有遺溺癃閉狐疝主
腎與小腸膀胱三經則不言疝是受疝之處乃
肝之部分也且內經男子宗筋為束骨之會也
而肝主筋畢者囊中之丸雖主外腎非厥陰環
而引之與玉莖無由伸縮在女子則為篡戶其

內外為二其一曰廷孔其二曰窈漏此足厥陰
與衝任督之所會也靈樞言足厥陰之經筋聚
于陰器其病傷于寒則陰縮入傷於熱則縱挺
不收治在行水清陰氣故陽明與太陰厥陰之
筋皆會於陰器惟厥陰主筋故為疝者必本之
厥陰靈樞又言足厥陰之別名曰蠡溝去內踝
五寸別走少陽循胫上畢結于莖其病氣逆畢
腫卒疝實則挺長虛則暴痒取之所別矣豈非
厥陰為受病之處耶靈樞又言邪在小腸連畢

係屬于腎貫肝絡肺系心氣盛厥逆上衝腸胃
重肝散於育結於臍故取之育原以散之刺太
陰以平之取厥陰以下之取巨虛下臚以去之
按其所過之經以調之此其初雖言邪在小腸
至其治法必曰取厥陰以下之乃知諸疝關於
厥陰可以無疑以脈考之素問云厥陰滑為狐
風疝少陰滑為肺風疝太陰滑為脾風疝云
凡此六疝雖見于他脈中皆言風疝者足厥陰
肝經之氣也靈樞亦曰心脈微滑為心疝肝脈

滑甚為癰瘡腎脈滑甚為癰瘡凡此三臟脈之
疝亦以滑為疝也素問又云脈木急皆為疝心
脈滑傳為心疝肺脈沉傳為肺疝三陰急為疝
三陽急為瘕王太僕云太陽受寒血凝為瘕太
陰受寒氣聚為疝此言太陰受寒傳之肝經也
可以溫藥逐之不可以溫藥補之若補之者是
欲病去而強挽留之也歷考素問三陽為病發
寒熱其傳為癰疝此亦言膀胱非受病之處必
傳于厥陰部分然後為疝也又言病在少腹

赤水玄珠

疝

三

痛不得大小便病名曰疝得之寒言脉急者曰疝
疝瘦少腹痛凡言少腹者豈非厥陰之部分耶
又言脾氣傳胃名曰疝瘦此謂非肝木不能為
風氣名曰厥疝蓋脾土虛而不能制水又為肝
木所凌也又言督脉為衝疝蓋厥陰與衝任督
俱會于前陰也豈不明哉至于運氣中又言歲
太陽在泉寒淫所勝民病少腹控辜蓋寒客于
小腸膀胱則肝木縮而不得伸行母傳之子也
陽明司天燥淫所勝丈夫癩疝婦人小腹疝此

言肝氣不得上行為金所抑鬼賊故也又言木
陰在泉土勝則寒氣逆滿食飲不下甚則為疝
此亦言寒客太陰濕土不能勝水傳之肝
經也又嘗遍閱銅人俞穴亦相表裏如背上一
三椎俞肝經言寒疝腹部中行惟陰交一穴言
寒疝任脉之所發也關元一穴言暴疝小腸之
募足三陰任脉之會也曲骨一穴言癘疝任脉
足厥陰之會也其腹部第二行育俞二穴言寒
疝衝脉足少陰之會也四病上穴言疝瘦衝任

脉足少陰腎之會也其腹部第三行太巨二穴
言癩疝足陽明脉氣之所發也氣衝二穴言癩
疝莖中痛兩丸寒痛亦足陽明脉氣之所發也
其腹部四行府合二穴言疝痛足六陰厥陰
維之交會也亦太陰部三陰陽明支別也衝門
二穴言陰疝足太陰厥陰之會也其在側脇者
五樞二穴言寒疝陰邪上入少腹帶脉下三寸
也其在足六經者足厥陰穴十名言疝者七謂
太敦行間太衝中封蠡溝中都曲泉足少陽穴

十四名言疝者一謂丘墟穴也足太陰穴十一
名言疝者一謂陰陵泉也足陽明穴十五名言
疝者一謂陰市穴也足少陰穴十五名言疝者
五謂然谷太谿照海交信築賓也足太陽穴十
八名言疝者二謂金門合陽也由是言之惟厥
陰言疝獨多為疝之主也其各經穴雖亦治疝
終非受疝之地但與足厥陰相連耳或在泉寒
勝木氣攣縮禁于此經或司天燥勝木氣抑鬱
于此經或忿怒悲哀憂抑頓挫結于此經或藥

淋外固閉尾縮精壅于此經其病差別如此不知世間之藥多熟補從誰而受其方也信其方則素問靈樞銅人皆非也信素問靈樞銅人則俗方亦皆非也不知後之君子以孰為是嗚呼余立干醫四十餘歲使世俗之方人、可療余莫知敢廢也諳練日久因經識病然後不惑且夫遺溺閉癢陰痿胞痺精滑白淫皆男子之症也不可妄歸之腎冷血涸不日月罷腰膝上熱足躄嗑乾癢閉少腹有塊或定或移前陰突出

後陰痔核皆女子之症也但女子不謂之病而謂之瘕若年少而得之不計男子婦人皆無子故隱蔽委曲之事了不干脬腎小腸之事乃足厥陰肝經之職也柰俗方只言脬腎小腸殊不知言肝木一句惑入甚矣且肝經乙木也木屬東方為心火之母也凡病者非肝木邪則肝木自甚也不可便言虛而補之雜經所謂東方實西方虛瀉南方補北方此言瀉火木自平金自清水自旺矣昔審言為蔡之參軍也因坐湿地病

痛不可堪諸藥莫救余急以導水丸禹功散瀉
三十餘行腫立消痛立減又頃聞一男子病卒
疝暴痛不任倒於街衢人莫能動呼余救之余
引經証之邪氣客於足厥陰之絡令人卒疝故
病陰丸痛也余急瀉太敦二穴大痛立已夫太
敦穴者乃是厥陰之二穴也珍冠鎮一夫病瘡
瘡發渴痛飲蜜漿劇傷米水醫者莫知瀉去其
濕反雜進姜附濕為燥熱所壅三焦閉溢水道
不行陰道不興陰囊腫墜大於升斗余先以導

水百餘丸少頃以猪腎散投之是夜瀉青赤水
一斗遂失痛之所在近穎尾一夫病卒疝赤腫
大痛數日不止諸藥如水投后余以導水一伯
五十九丸令三次咽之繼以通經散三錢字腹淡
酒調下五更下臟腑壅積之物數行痛腫皆去
不三日平復如舊內經曰木鬱則達之達謂吐
也今條達肝之積本當吐者然觀其病之上下
以順為貴仲景所謂上宜吐下宜瀉者此也敢
列七疝圖於左以示後之君子庶幾有所憑藉

者烏

寒疝其狀囊冷結硬如石陰莖不舉或控臯丸而痛得於卑卧濕地或寒月涉水或置兩雪或卧坐磚石或風冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或囊痒而燥出黃水或少腹中按之作水聲得于飲水酒醉使內過勞汗出而遇風寒濕之氣聚於囊中故水多令人為卒疝宜以逐水之

劑下之有漏針去水者人多不得其法

筋疝其狀陰莖腫脹或潰或膿或痛而裏急筋縮或莖中痛極則痒或挺縱不收或白如精隨溲而下得于房失勞傷及邪術所使宜以降心之劑下之

血疝其狀如黃瓜在少腹兩傍橫骨兩端約中俗云便瘡得于重感春夏大燠勞動使內氣血流溢滲入腠囊留而不去結成瘡腫膿少血多宜以和血之劑下之

氣疝其狀上連腎區下及陰囊或因號突忿怒則
氣鬱之而脹怒止號罷則氣散者是也有一治
法以針出氣而愈者然針有得失宜以散氣之
藥下之或小兒亦有此疾俗曰偏氣得于父年
已老或少年多病陰痿精怯強力入房因而有
子胎中病也此疝不治惟築實一穴言之
狐疝其狀如瓦卧則入小腹行立則出小腹入囊
中狐則晝出穴而溺夜則入穴而不溺此疝出
入上下徃來正與狐相類也亦與氣疝大同小

異今人帶鈎鈴是也宜以逐氣流經之藥下之
癰疝其狀陰囊腫脹如升如斗不痒不痛者是也
得之地氣卑濕所生故江淮之間湫塘之處多
感此疾宜以去濕之藥下之 女子陰戶突出
雖亦此類乃熱則不禁固也不可便謂虛寒而
澁之燥之補之本名曰瘕宜以苦下之以苦堅
之玉冰云陽氣下墜陰氣上爭上爭則寒多下
墜則筋緩故畢垂縱緩因作癰疝也已上七疝
下去其病之後可調則調可補則補各量病勢

勿拘俗法經所謂陰盛而腹脹不通者癩瘕疝
也不可不下
統旨曰或問疝氣古方有以為小腸氣者有以為
膀胱氣者惟戴人丹溪專主肝經其說不同何
以辨之予曰小腸氣小腸之病膀胱氣膀胱之
病疝氣肝經之病三者自是不一昔人以小腸
膀胱氣為疝者誤也殊不知足厥陰之經環陰
器抵小腹人之病此者發則臑丸脹痛而連及
小腹則疝氣之係于肝經也可知矣且小腸氣

俗謂之橫絃豎絃繞臍走注少腹攻刺而膀胱
氣則在毛際之上小腹之分作痛與疝氣之有
形如瓜有聲如蛙或上於腹或下於囊者不同
也但小腸膀胱因經絡並於厥陰之經所以受
病連及于肝則亦下控引臑丸為痛然只是二
經之病不可以為疝也學者惟考張朱二公之
說則庶乎其不惑矣
生生子曰按統旨此論只可以言孤疝不足以盡
經義然素問六經皆有疝故後之言疝者或名

赤脈
三九

小腸氣或名膀胱氣或名腎冷氣張戴人朱丹
溪乃獨屬之肝經要之各有所本而肝腎居多
爾按靈樞經云邪在小腸連臍系屬腎貫肝絡
肺系心氣盛厥氣上衝也大凡邪氣歸於人之
經也隨各經而名之歸於腎為腎氣歸於膀胱
為膀胱氣歸於小腸為小腸氣腎與膀胱相為
表裏其氣通于外腎系於臍凡此三經與厥陰
互相聯絡而又俱在下部與衝任督諸脈會也
戴人亦曰腎之穴十而言疝者五丹溪乃言與

腎絕無相干絕之一字未細考爾實相須也凡
久立過內則傷腎勞力遠行則傷筋腎傷則膀
胱虛筋傷則肝氣弱一有所傷風寒濕邪乘虛
而入於腎則腎囊腫小腹痛而足冷舌本強
此腎經受病之候入於肝則先從陰密冷痛上
抵腠脇唇青足厥甚則舌卷囊縮此肝經受病
之候也膀胱乃胞之室素問骨空論篇曰任脉
起於中極之下以上毛際循腹裏上關元自胞
上過帶脉貫臍而上故任脉為病男子內結七

疝或指膀胱氣者以此也又衝脈為病逆氣裏
急督脈起少腹以下骨中央女子入系廷孔其
孔溺孔之端也其絡繞陰器合纂間繞纂後別
繞腎至少陰其男子循莖下至纂與女子等其
少腹直上者貫臍中央上貫心此生病從少腹
止衝心而痛不得前後為衝疝注曰衝任督皆
奇經一源而三岐都與腎肝會也由是考之各
有所本匪謬也惟肝腎居多腎不得無相干肝
不得獨主疝從可知矣揣戴人之意若獨屬之

肝則東方實為有餘有餘者瀉之庶可以行生
平所長之技也師者誠能體認不謬則通塞一
通其宜丹溪戴人不多讓矣

挾虛者當用參朮為君佐以疎導之藥其脉豁大
按之無方者虛也 又按之不定者亦屬虛必
用桂枝山梔炒過烏頭細切炒過為末以姜汁糊
為丸每服三四十九姜湯下大能却痛 食積
與死血成痛者梔子桃仁山查枳實吳茱萸並
炒以生姜汁順流水煎湯調服

一方加茴香附子

戴元禮曰木腎者心火下降則腎水不患乎不溫
真陽下行則腎水不患乎不和安有所謂木強
者哉夫惟嗜慾內戕腎家虛憊故陰陽不相交
水火不相濟而沉寒痼冷凝滯脹大作痛頑痺
結硬不可純用燥熱當溫散溫利以逐其邪
氣內消榮衛流轉益如寒谷春回蓋有不疾而
速不行而至之妙矣

橘核散 單止痛此蓋溫熱因寒鬱而發用梔子

仁以除濕熱用烏頭以散寒鬱况二藥皆下行
之藥而烏頭又為梔子所引其行尤速不使胃

中停留也 橘核 桃仁 梔子 川烏 炒

吳茱萸 水煎服

又方劫痛 烏頭細切 梔子仁炒等 為末或加或

減白湯丸服亦可

積疝方 山查炒 茴香炒 羌胡炒 牡丹皮一錢

酒糊丸如梧子大鹽湯下六十九

又方 治疝痛

赤水珠

山查炒四兩 枳殼炒 茴香炒 山梔仁炒各二兩 牡丹皮

柴胡 桃仁炒 大茴炒各一兩 吳茱萸錢五

酒糊丸鹽酒吞下五十九

又方 治疝痛

蒼朮鹽炒 香附鹽炒 黃柏酒炒為君 青皮 玄胡索

益智 桃仁為臣 茴香為佐 大附子鹽炒 甘草為使

水煎服一痛過更不再作矣

一人有疝腹內有塊每塊痛作疝痛止疝痛作塊

痛止 三稜 莪朮醋煮 神麩炒 姜黃 南星各一

兩山查二兩 木香 沉香 香附各錢三 黃連吳茱萸同

炒去菜萸用 淨黃連五錢 桃仁 蘿卜子 山梔仁 枳

枳各五錢 姜汁 餅餅糊為丸

治小腸氣及木腎偏墜

黑丑一斤用猪尿胞裝滿以線縫口好酒米醋

各一碗於砂鍋內煮乾為度取出黑丑用青紅

娘子各十九枚於鉄鍋內炒燥去青紅娘子將

黑丑研取頭末四兩另入猪苓澤瀉細末各二

兩醋糊為丸梧子大每服三十九空心鹽酒送

赤水珠

赤白痢

三

四

下不可多服多服令人頭眩如頭眩可服黑錫丹
元戎加味五苓散 治疝氣卒痛小便澀

本方加川練子一分

局方三白散

治膀胱蘊熱濕熱乘陰囊腫痛太

小便不利

方見前陰門

復元通氣散

舶上茴香

川山甲

蛤粉炒各二兩

陳皮

玄胡

索黑丑炒末

甘草炒各一兩

木香一兩

為末每十大錢食前熱酒調服

續鑑控引舉丸

小腸病結上而不下痛引心臍

茴香炒

川練子炒

食茱萸

陳皮

馬蘭花炒醋

各一兩

芫花醋炒五錢

醋糊為丸

梧子大每十丸至

二十九空心溫酒下

三因大烏頭桂枝湯

治風寒亦氣腹中刺痛手

足不仁身體拘急不得轉側或致陰縮

大烏頭五枚去皮尖蜜煎過洗切

桂心

白芍各三錢

甘草一錢

每服四錢姜東煎服

局方奪命丹

遠年近日小腸疝氣偏墜搐痛脘

赤白痢

三

四

下撮痛悶亂外腎腫硬日漸滋長陰間濕痒搔

成瘡 吳茱萸 淨一斤四兩用酒醋湯 澤瀉 童便各浸一宿焙乾

酒糊為丸 梧子大每五十九空心鹽湯下

葫蘆巴丸 小腸氣蟠腸氣奔豚疝氣偏墜陰腫

小腹有形如卵上下来去痛不可忍或絞結繞

臍攻刺嘔吐者 葫蘆巴 斤炒一 巴戟 炒六 川練

子 炒一斤 川烏 炮去皮 茴香 炒二 吳茱萸 湯洗

酒糊為丸 梧子大每二十九空心酒下

戴人禹功散

黑丑 頭末 茴香 炒一 為末以生薑自然汁調

一二錢臨睡服或加白朮一兩

茴香練實丸 治陰疝痛不可忍及小腸氣痛

川練子 炒 茴香 炒 青皮 陳皮 芫花 醋炒

山茱萸 食茱萸 吳茱萸 馬蘭花 各等分

醋糊丸 梧子大温酒下三十九

天台烏藥散 治小腸疝氣牽引臍腹疼痛

烏藥 木香 茴香 炒 青皮 良姜 炒各 檳榔

川練子 枚十 巴豆 粒七十

右先以巴豆微打破同川練麩皮炒黑去巴豆麩皮不用外餘藥同為末每用一錢酒調下甚者姜湯下亦可

濟生葵子湯 膀胱實熱腹脹小便不通口舌乾燥

燥 赤茯苓 猪苓 葵子 枳實 瞿麥

車前子 木通 黃芩 滑石 甘草分等

每五錢入姜煎空心服

局方蟠葱散 治寒疝氣疝衝心疼痛

玄胡索 蒼朮 甘草各半 茯苓 蓬朮

三稜 青皮各六兩 丁皮 砂仁 檳榔各四兩 桂

乾姜各二兩 每服二錢入連鬚葱一莖水煎食前服

金櫃當歸生薑羊肉湯 寒疝腹中痛及脇痛裏

急 當歸三兩 生薑五兩 羊肉一斤

水八升煮三升溫服七合日三服如寒多加

生薑嘔者加陳皮二兩白朮一兩

蜘蛛散 治陰狐疝氣偏有大小時上下

蜘蛛十四枚 肉桂五錢一分

為末取八分米飲調服或蜜丸服亦可

王海藏丸用以黑大者去頭尾研如膏入藥中乃妙炒黑不炒

東垣丁香練實丸 男子七疝痛不可忍婦人瘕

聚帶下皆任脉所主陰經也乃腎肝受病故治

法同 當歸 附子 炮川練子 茴香 炒各二兩

好酒三升同煮盡為度焙乾作細末每十兩

入丁香木香玄胡末各五錢全蝎十三枚後

四味末入在前藥末內和勻酒糊丸梧子大

每三十九加至百丸空心温酒下

熨法 鹽半斤炒極熟以舊綿包熨臍腹痛處

又方 葱白研碎一握置臍中上用熨斗熨之或
以艾於上灸之尤妙

海藻潰堅丸 治木腎如斗結硬如石

海藻 昆布 川練肉 吳茱萸 湯泡各一兩 木香

青皮 小茴 荔枝核 炒 玄胡索 炒 肉桂 各五錢

海帶 橘核 炒 桃仁 炒去皮 木通 七錢

酒糊為丸梧子大每六十九字心鹽酒任下

癩疔大如芥斗者是也惟大不痛丹溪謂非痛斷

度事厚味不可用藥惟促其毒若蒼木神麴白

並半夏山查枳實皆要藥人視其為淺鄙以啓
慢心又不能斷慾以愛護其根者非徒無益而
又被其害者多矣且其藥宜隨時令寒溫更按
君臣佐使加減大抵癩屬濕多

蒼木 神麴 白芷 山查 川芎 枳實
南星 半夏 神麴糊為丸有熱加山梔一兩
堅硬加朴硝五錢秋冬加吳茱萸二錢半
又方 治癩疔

南星 山查 蒼木 白芷 半夏 枳實

神麴 海藻 昆布 玄明粉 吳茱萸

錢各二 酒糊丸

治木腎不痛方 南星 半夏 黃栢 蒼木 吳茱萸

枳實 山查 白芷 神麴 滑石 吳茱萸

昆布 酒糊丸 字心 鹽湯下一方加枸杞子

治偏墜初生

川山甲 茴香 為末酒送下乾物壓之

潔古海蛤丸 治癩疔從小便中利出惡物

海蛤 醃粉 硼砂 川歸 錢各一

海蛤

海藻 粉霜 各五 水蛭 升一 青黛 滑石 乳

香 錢各一 硃砂 錢二 地龍 水二十 洗去泥 條一 條一

右用鹽煮麵糊為丸小豆大硃砂為衣每十

丸燈心湯空心服之小便下冷膿惡物乃効

却以黃連紫河車板藍根各二錢煎湯漱口

以固牙一方去板藍根加貫衆

王海藏地黃膏子 男子婦人臍下奔豚氣塊小

腹疼痛陰腫控臑而痛上衝心腹不可忍若

血竭 沉香 木香 人參 廣茂 炮 玄胡索

蛤蚧 川歸 川芎 續斷 白朮 木川練子

炒金蠟 茴香 炒柴胡 沒藥 吳茱萸

已上分兩隨症加減用之 氣多者加青皮

血多者加肉桂 為末地黃膏子為丸梧子

大空心溫酒下二十九日加一丸至三十丸

本事方念珠丸 時脫疝氣外腎腫痛不可忍昔

有人貨此藥治疝如神一日貨數十丸一國醫

多與金而得之用果良驗

乳香 硃砂 飛各三 黃蠟 兩一 熔化分作一百單

本草綱目 卷之...

凡人丸以線穿之露一宿次日用蛤粉為衣旋

取用乳香湯送下

丹溪治鄭子敬酒後飲水及水菓腎偏大時作蛙
聲或作痛炒枳實一兩鹽炒茴香炒梔子各三
錢研煎湯送下保和丸 又一人膀胱氣下墜
如蛙聲臭穢核炒十枚桃仁二十枚羅卜汁下
保和圓七十九

下人年三十左腎核腫痛此飲食中濕墜下成熱
以臭穢核五枚桃仁七枚細研順流水一盞煎

沸湯熱下保和丸

丹溪治木腎以水晶蒲桃葉 野紫蘓葉 蒼耳

葉濃煎湯薰洗

一方治水癩偏大上下不定疼痛不止

牡蠣不拘多少鹽泥固濟炭三斤煨令火盡冷
取出二兩加乾姜一兩焙為細末二味和勻以
冷水調塗病處小便利而愈

又方 玄胡索炒全蠲 為末每二錢溫酒調下

雄鬻散 治陰腫大如斗挾痛

赤水法

五

椎黃一兩 白礬二兩 甘草五錢 水煎先薰後洗効

治偏墜 一人挾腫痛甚二子不分大如升偏醫

不効以此治除根松江甚神此方

牡丹皮二兩 蒼朮二兩 水泔浸三日 荔枝核一兩

山查半兩 橘核七錢 山梔仁湯炒三兩 吳茱萸

神麩糊丸 梧子 大字心 白湯下五十九

解鉗丸 治小腸氣及膀胱氣橫結堅絃木腎偏

墜下部諸疝氣痛

木鱉子二兩 淨去油用木通二兩 茴香二兩 用

十一枚去頭翅足 黑丑二兩 用萝卜子二兩 畧
同炒香熟去班 薜荔二兩 向陽者 補骨脂二兩
子半兩 薜荔二兩 同炒黃色去薜荔 補骨脂二兩
同炒去猪苓 酒糊丸 梧子 大字心 服三十九炒

姜鹽燈心酒下 下午後臨睡各一服

五妙丸 治一切下部氣速効如神

黑丑 補骨脂 川練肉 各一兩 用地龍一兩

半夏一兩 同炒去猪苓 不用 茴香一兩 同炒去班 貓十四

酒糊丸 梧子 大 每服十九 加至十五 丸空心

鹽酒送下

乳姜湯 治寒疝氣上衝中脘築痛

乳香末錢二 生姜自然汁錢二 水一大盞同煎三五

沸通口服一服効

香木丸 寒濕成疝腎腫疼痛

蒼木半斤 米泔水浸一宿 晒乾用生姜半斤

茴香半斤 用生薑汁四兩 浸一宿 後用鹽炒吳茱萸湯炮炒

右末搗葱白成膏為丸梧子大每五十九空

心溫酒或鹽湯下

又方 治諸疝痛及心痛臨發時服

海后 香附 為末姜汁調下

一人患疝因服熱藥多以致小便不通後用五苓

散分三帖每加連鬚葱一根射香少許鹽五分

煎服連進三服其夜下黑汁二升臍下遂寬續

用礪砂丸數日全愈

大宮詹少溪吳馭閱校

大宮

Faint vertical text columns within a rectangular border, likely bleed-through from the reverse side of the page.

Vertical text on the left side of the page, possibly a page number or a reference label.

Small mark or character at the bottom right corner of the page.

